

الثقلاء



محمد عثمان جلال

الثقلاء

تأليف
محمد عثمان جلال



الناشر مؤسسة هنداوي

المشهرة برقم ١٠٥٨٥٩٧٠ بتاريخ ٢٦ / ١ / ٢٠١٧

يورك هاوس، شبييت ستريت، وندسور، SL4 1DD، المملكة المتحدة

تليفون: ١٧٥٣ ٨٣٢٥٢٢ (٠) ٤٤ +

البريد الإلكتروني: hindawi@hindawi.org

الموقع الإلكتروني: <https://www.hindawi.org>

إنَّ مؤسسة هنداوي غير مسئولة عن آراء المؤلف وأفكاره، وإنما يعبّر الكتاب عن آراء مؤلفه.

تصميم الغلاف: ولاء الشاهد

الترقيم الدولي: ٩٧٨ ١ ٥٢٧٣ ٢٨٦٠ ٠

صدر هذا الكتاب عام ١٨٩٦.

صدرت هذه النسخة عن مؤسسة هنداوي عام ٢٠٢٢.

جميع حقوق النشر الخاصة بتصميم هذا الكتاب وتصميم الغلاف مُرَخَّصة بموجب رخصة المشاع الإبداعي: نَسْبُ المَصْنَف، الإصدار ٤.٠. جميع حقوق النشر الخاصة بنص العمل الأصلي خاضعة للملكية العامة.

المحتويات

٧

٩

٢١

٣٣

أسماء الممثلين

القطعة الأولى

القطعة الثانية

القطعة الثالثة

أسماء الممثلين

حافظ (سامي): وصي عريفة وعمها.

عريفة: معشوقة محرز.

محرز: عاشق عريفة.

ثقلاء: مورو.

إسكندر.

الديب.

حوران.

عرمان.

سلمان.

بدران.

كرار.

أرمان.

قابيل: خادم محرز.

أمين: خادم حافظ (سامي).

زهران واثنين رفقاءه: أتباع محرز.

القطعة الأولى

الفصل الأول

(محرز وقابيل)

محرز:

حتى بلاني بالثقل وبالردي!
من غير ما أكتب لهم ولا أرتجي
أقوى وأجمد صدغ من حجر النحيت
على التياترو أروح من بعد العشا
واحد ثقيل أشرفت منه على الهلاك
أهي فكرتي لدلوقيت مكدّره
في وقت ما كانت الستارة بتنفتح
ووقتها كان الطلب هناك مُباح
وتنبسط من الكلام اللي طلع
ويكون صاحب ذوق وحكمة في الطلب
وعرّض أكتافه وصدره صدره
وقلت يا ربي كدا أولاد البلد؟
ولا خلقتش ليه في رءوسهم عقول؟
ويقلد اللي في سلوكه مشتبه

في طالع أنهو نحس أنا كان مولدي
في كل يوم أشكال من الثقلا تجي
على الخصوص اليوم جا راجل تبيت
وأصل دا كله نويت وقت العشا
وقعت أنا في شر أعماله هناك
لا بد ما أحكي لك وأقول عللي جرّه
دخلت جواً للتياترو أنشرح
إلا وواحد جا طلب كرسي وصاح
والناس في سكتة ورايحة تستمع
وكان من الواجب عليه يرفع الأدب
ألا أخذ كرسيه بضجة وحشره
انغظت وأصل ما بقى عندي جلد
خلقتهم كبار قوي زي العجول
لو كان مؤلف للتياترو ينتبه

وبالكلام يخوِّفه ويهدده
والنطع يتربى وللذوق ينجبر
وإننا السرت النفاية من الأول
ولا رأى واحد طلع يسكَّته
شَوْش كمان مرة عليهم يا سلام
وظن في نفسه بأنه شيء مليح
ولا التفت لهم ولا شيء يحضره
سَلَّم عليَّ بسلام بارد طويل
بالله تأذن لي هنا أعنَّكَ
وكان من كتر الكسوف لوني بهت
تقدر تلومني اللي أصحاب زي ده
إذا رأوه عنه نظرهم يصرفوا
ويضحكوا للي يلوم ما يكشَّروا
كثير بلا معنى ويقريني السلام
وهو يدرِّش في كلام ويفننه
وفضل يكرر لي الرواية كلها
وكل من ألَّف كتاب لي يعرضه
وفي الزحام أزوِّغ منه وانسرق
ما شفت طول عمري كدا راجل ثقيل
ويحب يسبقني إذا رُمت أسبقه
وإن كل الناس بعلمه تفضُّله
وبنت عمه خطبها من أمها
وشاف وشي بالحماقة اشتعل
وأروَّحَك للبيت ولو فيها فضول
قال: السكك فضيت ونخرج كلنا
قال لي: آجي معهم ولو كانوا ألوف
وإن عزمي حد غيرك ما أجيب
قال: أكل إيه؟ القصد أن أرافك

واللي خرج عن الأصول يقلده
حتى تتوب كل الصدم وتعتبر
أحسن بقينا مَعيرة عند الدول
وبعد ما انفض الثقل من ضجته
وطلعت الممثلين تحكي كلام
وخاض في العالم بكرسيه القبيح
طلعت عليه الناس جميعًا تزجره
إلا على بختي لمحني دا الثقيل
ويقول أنا من كتر لطفك أعشقت
خلًا عيون الناس عليَّ اتوجَّهت
والناس لما شافته يعمل كده
لكنهم للي نظيره يعرفوا
حيث إن زيه في كثير يتحشَّروا
وفضل بصوت عالي يسمَّعني كلام
والناس جميعًا من وراه بتلعنه
ويقول روايتهم أنا حفضتها
ويقول نظم الناس كله أحفضه
فقلت في آخر الرواية نفترق
لكن شبكني بكلام تاني طويل
وخش في موضوع تاني لفقَّه
وفضل يكلمني على ما بيعمله
والخيل والأموال دي اللي لَمَّها
وحين رأى مني ومن عيني الزعل
قال لي: بنا نخرج أورِّيك الخيول
فقلت: عن إذنك أريد أخرج أنا
فقلت: عن إذنك أنا عندي ضيوف!
إزاي أفوتك يا أخي وإنت حبيب؟
فقلت: يمكن أكلنا ما يوافقك

العيش معك بالملح هو العيش الهني
وكان على ودي بسكين أفرَّغه
ومن الحنق والغيط منه كدت أموت
وجت قُبَالنا بالعجل وقرَّبت
ومن كلامه يبان إنه فشروي
وعزم أخينا النطع في بيت السفير
وفي أمور الحفلة عند السلام
من بعد ما شفت العذاب وانكويت
وكل من كان في الرزالة يشبهه
لكن يقولوا دا اللقا لآخر نصيب

عزومة السردار شيء ما يهمني
وفضلت امطوح بالكلام وأمرَّغه
ولا لقيت حيلة معي غير السكوت
إلا عربية كبيرة كركبت
ونط منها شب متحفلط قوي
وإدعى إنه أمير وأبوه أمير
خليتهم مع بعض في كتر الكلام
وهربت في عطفة وعلمرواح نويت
وفضلت ألعن في الثقل وأسفَّهه
ضيَّع عليَّ موعدي مع الحبيب

قابيل:

ما أقبل جواب منهم ولا أقبل سؤال
من غير كدر لكن كدا ما نلتقيش

ما فيش في الدنيا كدر غير الثقال
لولا الأرازل والثقال كنا نعيش

محرز:

وكل شيء غيره على قلبي يهون
هو عند منه يا ترى والأغشم؟
لا بد ما نبَّه عليها من زمان
ضيَّع عليَّ موعدي ابن الزنا

سامي وصيَّ الست أثقل ما يكون
فيمن أحبه هو سبب قطع العشم
أبدًا عليَّ في حضوره ما تبان
كانت أوعدتني أن تقابلني هنا

قابيل:

إن ما اتَّفَقش اليوم بُكْرَة توجِّده

إذا سمح لك من تحبه بموعده

محرز:

خُلف المواعيد في اللقا يحكم حرام

صحيح ولكن في قوانين الغرام

قابيل:

وعندها لخره إذا كان تَأَلَّفَكَ وتوعدك بِوَصْلِهَا وتستلطفك
خُلِفَ المواعيد عندها يوم الوصال إن كان حرام من شان عيونك صار حلال

محرز:

طيب ولكن يا ترى تحبني؟

قابيل:

وتحن من وصلك إلى العيش الهني

محرز:

لكن بشوف اللي عشق دايمًا بيان خائف وقلبه ما يشوف أبدًا طمان
ما يصدق إن اللي يحبه يَأَلِّفه إلا اعتقاده إنه بهجره يعنِّفه
يا لله نروح على التياترو وأنا معاك إِيَّاكَ بالصدفة نقابلها هناك

الفصل الثاني

(عريفة ومورو ومحرز وقابيل)

(تكون عريفة واقفة في آخر التياترو، ومورو ماسك يدها.)

محرز:

يه دي مش عريفة اللي بشوفها مقبلة؟ يا هل ترى فين رائحة ومستعجلة؟
ومين معاها يا ترى من الرجال؟ مورو كمان؟ إيش وصله يطول دا المطال؟

(عريفة تمر عليه، فيسلم عليها وهي تلتفت نحوه.)

الفصل الثالث

(محرز وقابيل)

محرز:

لا شك شافتني ومنّي اتحققت وثبت لديها الحب مني وصدّقت
لكن غلبها التيه وعني صدّها قل لي بقي يا هل ترى واش بدها؟

قابيل:

إن قلت يمكن تعتقد إني ثقیل وألاً بليد وألاً تبت وألاً رزیل

محرز:

أما سكوتك دا يفهمني أكيد إنك تقیل الدم أو إنك بليد
قل لي قوام يا هل ترى إنت فهمت إيه؟ إن كان رأيك جد أنا أمشي عليه

قابيل:

إن كان على رأيي ولو من بعد حين لا لي أنا في الطور ولا لي في الطحين

محرز:

أما كلامك دا يقصر الأجل الله يضرك روح وراهم بالعجل!

قابيل (يمشي وراهم ثم يرجع لسيدته ويقول):

أمشي وراهم من بعيد؟

محرز:

... .. أيوه ...

قابيل (يمشي شويه ثم يرجع ويقول):

... .. عظيم
وأعمل إني ما بهم عندي خبر؟
وأكون ثقيل في المشي أو زي النسيم؟
ولا حد أرسلني وراهم عالآثر؟

محرز:

لا بد تخبرهم بما قلته صريح إنك جاسوس مرسل من طرفي صحيح

قابيل (يمشي شويه ويرجع ويقول):

من بعد ما أرجع تكون بردك هنا؟

محرز:

الله يضرك يا ثقيل يا ابن الزنا!

الفصل الرابع

محرز (لوحده):

أهي جت جمائل لي وربنا ستر
لا بد كان تظهر أمور ما تسرني
اللي أتى الخدام ولا اتَّبِع الأثر
وتجد لي أحوال كريهة تضرنني

الفصل الخامس

(إسكندر ومحرز)

إسكندر:

يا حضرة المير الجليل المفتخر
فقلت أهلاً بالحبيب أقابله
أنا رأيتك من بعيد تحت الشجر
وأبهجه بمغنتي وأعدله

القطعة الأولى

ألفت دور ومن الصبا جت نغمته
وأغلب الشعرا عليه قالوا كلام
حتى انتشر اسمي وصيتي اشتهر
اسمع كدا لما أقوله وألحّنه
(ويغني):

شو شو أنا شفت الجميل
طا طا ططا طرفه كحيل
بالله إش زيه كدا؟
شا شا ششا شعره طويل
ما ما مما ما أحسنه

محرز:

... .. قوي، مليح

إسكندر:

وأنا أعرف إنك يا أخي تقول صحيح

(ثم يغني هذا الدور مرتين ثلاثة ويقول):

يطلع عليه الرقص مضبوط عالتمام
وكل دا من القريحة اختراع
لا تقول عليّ عبده ولا الليثي بقه
بالله عليك مش فن؟
واللي يريد يرقص يوافق عالكلام
أنا أخذت الفن كله بالدرع
وانزل على المسلوب بحتت مسوقة

محرز:

... .. دا كله فنون

إسكندر:

حدّش عمل زيه؟

محرز:

... .. ولا زيه يكون

إسكندر:

أعلمك ضربه؟

محرز:

... .. بلاش الوقت ده لما أروق له وليه تستعجل كده؟

إسكندر:

لو كانت الأدوار معايا كلها كنّا هنا نقرا سوا ونحلّها

محرز:

في وقت غير ده

إسكندر:

... .. لجل شُغلك أعذرك
من حق والدرويش أنا ما رحّت له
وأطلب كمان كام دور يوقعهم عليه
لا بد أجيلك يوم كمان وأفكرك
أقرا عليه دوري الجميل وأرتّله
ما أشهرش نفسي عند أهل الفن ليه؟

(ثم يخرج وهو يغني.)

الفصل السادس

محرز (لوحة):

من العجايب عندنا ياما نشوف ياما على الدنيا من الرُّزلا ألوف
مستحضرين على عذابنا كلهم ومن مصيبتنا بنتورط لهم
وبالتملُّق يملكونا والخداع وكل ما قالوه يمشُّوه بالدرع

الفصل السابع

(محرز وقابيل)

قابيل:

يا سيِّدي ستي عريفة أهي هناك

محرز:

إزاي د الخاينة فؤادي يحبها آه يا فؤادي في هواها واش رماك؟
وبدال ما أكرهها أنا أصبَّب بها

قابيل:

يا سيدي بتحكي كلام ما بتعقله دا العشق يحكم عالجمال ويَعْقِلُه
ولو يكون الحق بيدك في الزعل الحب يخدع نفس من كان انفعَل

محرز:

الحق بيدك يا قابيل في دا الحكم صحيح عليَّ حبها اليوم حكم
والكبر زال والذل جا في مطرحه والقلب مني مال للي بيجرحه

الفصل الثامن

(عريفة ومحرز وقابيل)

عريفة:

ما لك معرقص جبهتك من رؤيتي؟ هُوَ حضورِي عكننك؟ يا دهوتي!
وليه بتتنهد إذا ما شفتني؟ أنا اللي فُتُّك والَّا انتَ فُتُّني؟

محرز:

وكمآن كدا يا ظالمة بتسألِي؟ عن أصل غَمِّي وفعالك تجهلي؟
كنتي مع مين يا ترى تتحدّثي؟ فُتِّي عليّ وكمآن تتلفّتي

عريفة:

هُوَ دا السبب اللي عليّ غيرك؟ وأشعل النار فيك كدا وحيّرْكَ؟

محرز:

يحق لك بدي الفعّال تستهتري ومن عذابي في الغرام تتمسخري
لما رأيّتي الداء منعّتيه الدوا وكل ما جي أشتكي يروح في الهوا

عريفة:

دا شي يضحّك وصحيح يا محرزون إن الزعل من شيء فارغ دا جنون
الراجل اللي غرت منه دا ثقیل المشي ويّاه بالمحبة مستحيل
ثقیل وضايقني وأنا اتورطت له صحيح مسك إيدي وأنا برزّله
وجريت على العربة وهو واقف هناك وقلت فارقني بقي دا شيء هلاك
وبعدها لفّيت وجيت على الزقاق اللي حصل موعد عليه واتفاق

محرز:

أما كلامك يا عريفة دا فصيح يا هل ترى أنتي تحبيني صحيح؟

عريفة:

وليه بقى كتر الكلام من غير نفع؟ أنا حكيت والشك في ارتفع
احكيت عن اللي صار واصفيت نيّتي

محرز:

ما تزعلش من دا السؤال يا مُنيّتي
دخلت في حكمك ففّي اصّرّفي
وافعلي يا ست زي ما تعرفي
وامشي على كيفك وخونيني كمان
لكي عليّ الطوع وعليكي الأمان
وإن كنت في فعلك أدوق كل العذاب
برضى أنا مليح ولا من الموت أهاب

عريفة:

إن كان كدا رأيك وصبرك في الغرام
أنا كمان أعمل بأصلي والسلام

الفصل التاسع

(إسكندر وعريفة ومحرز وقابيل)

إسكندر (لعريفة):

كلمة

(ولمحرز):

... تسامحني إذا كلمتها في السر كلمة وأنت حاضر عندها

(عريفة تخرج.)

الفصل العاشر

(إسكندر ومحرز وقابيل)

إسكندر:

مع الأسف أرجوك يا سيدي الأمير
وأنا بعون الله أعرف أزجره
تبقى جميلة أشكر أفعالك لها
تاخذ بناصري من سفيه قَبَح كثير
بس انت إنده له هنا وحضره
ولك عليّ يا أمير بمثلها

محرز (يسكت برهة ويقول):

هو أنا قواص والأ بربري؟
عشرين سنة خدمت في الجيش العظيم
اطلب دويل معه قوام في دا المكان
وأديني نصحتك بالحقيقة فانتصح
اعرف صحيح يا شيخ إني عسكري
واعمل هنا ساعي بناتكم يا غشيم؟
واغسل العار بالدماء من حيث كان
واعرف خلاصك روح بقي واصطبح

الفصل الحادي عشر

(محرز وقابيل)

محرز:

فين يا ترى راحت عريفة من هنا؟
روح يا قابيل دور عليها بالعجل
دخل ووزّعها الثقيل ابن الزنا
وأديني بستانك هنا في دا المحل

القطعة الثانية

الفصل الأول

محرز (لوحده):

إمتى من الثقلا يزول عنَّا الخطر؟	دول في العدد أكثر علينا من المطر
إذا انقلب واحد يجي الثاني قوام	وإن كنت أنا نايم يجيني في المنام
وإن تمليت لي دقيقة بالحبيب	يظهر عزول منهم علينا أو رقيب
يا رب ترسل سيل عليهم من زلط	يكون متخصص لوحدهم فقط
والشمس أهي غابت عليّ وأعمل إيه؟	والخادم المنحوس دا ما جاش ليه؟

الفصل الثاني

(حوران ومحرز)

حوران:

أهلاً صباح الخير

محرز:

... .. صباح الخير عليك

حوران:

أقول لك الدُّغري أنا محتاج إليك
سابق عليك السيدة وسيدنا النبي
الزهر راح مني وقلبي انحرق
وقلت أكسب دِ الدراهم كلهم
بصيت رأيته داء يلزم له دواه
وحط إيده في الفلوس خدها قوام
واللعب بعد أن كان معايا ينقلب

أنا جيت تسليني على اللي حل بي
انبارج المغرب وأنا بلعب ورق
يا للعجب بنطين ثلاثة خدتهم
وفضل عليَّ آس وخصمي قال رواه
ظهرت له بالبيك رمى اثنين دام
من بعد دا كله يصحّش أنغلب

محرز:

اللعب ده أبخات ويحكم بالصدف

حواران:

لكن أنا الرامي أصير بعدين هدف
أنا مش بقول بالزور والا بادعي
دا اللعب ما جدّش نظيره في البلد

الحمد لله الورق جبته معي
الأس أهو حاضر وجنبه اتنين ولد

محرز:

اللي يصدّه البخت خاب منه الأمل
والأ ارتجع لا اللعب بعدين يتلفك

فهمت أقوالك ولكن ما العمل؟
اصبر على بختك عسى الله ينصفك

حوران:

لا انا مغفل في الورق ولا غشيم
ويفضل الأسطى الكبير زي الهدف
وأشوف بس اللي يكذبني دا مين

أما عجائب بس والله العظيم
لما الغشيم يكسب يقولوا دا صُدِف
لاخذ الورق وأدور على الناس أجمعين

القطعة الثانية

(ثم يخرج ويرجع ثاني بالورق ويقول):

اثنين بيك والآس

(ويخرج.)

محرز:

... .. أما دا جنون حتى الأرازل دول فيهم عال ودون

الفصل الثالث

(محرز وقابيل)

محرز:

لك من زمان غايب فقل لي كنت فين؟

قابيل:

مش كنت في المشوار أنا لي شغلتي

محرز:

إياك تكون أمال رسيت لي عالخبير

قابيل:

معي كلام من شان مزاجك معتبر

محرز:

قُل لي عليه

قابيل:

... .. صحيح بذك تعرفه؟

محرز:

أما عجائب

قابيل:

... .. دلوقيت تستلطفه

محرز:

قل بالعجل

قابيل:

... .. اصبر علي شوية بس أنا جيت هنا مكروش لما آخذ نفس

محرز:

زعلتني قل بالعجل

قابيل:

... .. يوه يا سلام
الست قالت تنتظرها اليوم هنا
بدك أقول على الخبر كدا قوام؟
أظنها تيجي قوامك عندنا

(ويروح.)

محرز:

لازم أقول لي كلمتين على الغرام حين أفكر في حبها يحلى الكلام
(ويقعد ينظم).

الفصل الرابع

(عرمان وسلمان، ومحرز في ركن ما حد يراه)

عرمان:

رأيي أنا والناس جميع تستصوبه

سلمان:

دا عند منك والحقيقة تغلبه

عرمان:

رأيي أنا أحسن ورأيك دا سَفَه

سلمان:

لِتَين نورِيهم لصاحب فلسفة

(عرمان يلمح محرز فيقول):

الحمد لله التقينا فيلسوف	يحكم على الرأيين لما لهم يشوف
يا سيدي محرز أتينا لك هنا	بالعدل والإنصاف تحكم بيننا
وادي السؤال يا سيدي من أوله	أنهو من العشاق تريد تفضله؟

محرز:

دي مسألة يصعب عليّ حلها شوفوا لكم واحد يكون من أهلها

عرمان:

إزاي ما يجرى وانتَ فيلسوف والله لغيرك ما نروح ولا نشوف
إنتَ من العلما وفضلك اشتهر حتى كلامك لعقول الناس بهر
واحنا رضىنا أن تكون فينا حَكم

محرز:

العفو يا سيدي وكم غيري وكم

عرمان:

إحنا عرفنا المسألة وأهلها تلت دقايق بس وانتَ تحلها

سلمان (لعرمان):

دا يذم رأيك يا أخي ما يمدحه ويحب رأيي إن رآه ويرجّحه

محرز (على جنب):

يا ريت يجي الخدام ويدخل بيننا أو حد ينده لي واخرج من هنا

عرمان (لسليمان):

يبان من عينه إذا ما بص لي يميل لرأيي ويكون الحكم لي

(ويقول لمحرز):

المسألة دي كلمتين يا سي الأمير مش يلزم العاشق يكون طبعا يغير

سلمان:

من شان ما يحكم عليه على كل حال
عاشق وله غيرة وعاشق ما يغير؟

لازم توضح يا حبيبي السؤال
إيش يعجب المعشوق ويبسطه كثير

عرمان:

أنا مع الثاني ولازم أرجّحه

سلمان:

وأنا مع الأول ودا أستصلحه

عرمان:

يعاملوا المعشوق بغاية الاحترام

أنا أقول الواجب على أهل الغرام

سلمان:

رگك على كُتر المحبة والهيام

وأنا أقول الاحترام مالوش مقام

عرمان:

مين في المحبة يمتثل للشرط ده؟
يقول على معشوقته دي خاينة
وعند معشوقه يكون راجل رزيل
ويعمل الهفوة جريمة بالغة
ويجعلُه إنه حقيقًا مفتري
راح عدها منه كراهة وانفعل
يقول مش مني ولكن من فلان
ويظن ظن السوء في أهل البلد
واجب لمن أهوى وتعظيم المقام

أعوذ بالله بس ما تقلشي كده
والحب بالغيرة كراهة باينة
واللي يغير بالطبع دا يبقى ثقيل
كله غباوة أو محبة فارغة
ومن عماه يحكم على الشخص البري
وإن كان محبوبه حصل عنده زعل
وإن رآه مبسوط ومشروح الجنان
ويكدر العيشة ويخلق للنكد
أنا على رأيي أشوف الاحترام

سلمان:

بالله ما تحكي على أهل البرود
وكل شيء جايـز لهم ما فيه شبه
وإن جا زبون تاني يسيروا اتنين سوا
طبعي أنا إن شفت عاشق ما يغير
واللي يسيء الظن في كل الأمور
وغيرته هيّا احترام لمُنيتّه
وإن كان حبيبّه يعتذر له بالبُكا
تظهر محاسن ينتعش منها الفؤاد

اللي هواهم للجميل كله برود
ما حد منهم قط من حاجة اشتبه
ويكبر الداء ما يلاقوا له دوا
يفور دمي ويكاد عقلي يطير
هُوّا صحيح العاشق الحر الغيور
ولو يكون في غيرته مَنِيَّتْهُ
أو حن ممّا حل به أو اشتكى
والعاشق إن كان شذ يرجع للوداد

عرمان:

إن كان على رأيك أنا أعرف ناس وحوش
غير الخناق والضرب دول ما يعرفوش

سلمان:

وإن كان على رأيك ورأي أهل البرود
يوافقوا الطالع ونازل كل يوم

دول من بني آدم فحاشا دول قرود
وتصير هناك عركة ويبقى الدم عوم

عرمان (لمحرز):

قل لي على رأيك ومين تستحسنه؟
واشرح كلامك يا أمير وبيّنّه

(عريفة تحضر وتشوف محرز واقف بين عرمان وسلمان.)

محرز:

حيث ما بقى مَخْلَص من الاتنين هنا
دلوقتِ أرضيهم بكلمة نافعة
اللي يغير يحب أكثر والمبيح

وصمموا على سماع رأيي أنا
والّا تلت كلمات والّا أربعة
يحب أحسن وادي الرأي الصريح

سلمان:

صدقت لكن

محرز:

... .. لَكُنْهَافَا كلكم وادينى رايح من هنا وفُتُكُم

الفصل الخامس

(عريفة ومحرز)

محرز (يشوف عريفة ويروح يقابلها ويقول):

غِبتى علىَّ يا حبيبة اليوم قوى وأنا بنار الحب منك منكوى

عريفة (تشير على عرمان وسلمان وهم خارجين):

بلا ملامة أنت مع دول ملتهى ما تحب عمرك غيرهم ولا تشتهي

محرز:

يبقى يضايقونى ويورونى العذاب ولا سلمتِش مالملام ولا العتاب
مستعجلة ليه؟

عريفة:

... .. روح بقى وفُضَّها واجري على الصحبة اللي متعلق بها

(وتخرج.)

الفصل السادس

محرز (لوحده):

يبقى الزعل من النسا ومن الرجال لَجري وراها في الجبال وفي الرمال
وأقول لها إني قوي أحبها وإن كان ما تصدَّق أنا أحلف لها

الفصل السابع

(بدران ومحرز)

بدران:

ياما ناس من الثقلاء يجوا يصدِّرُم وإن كان ساعة حظ لي يكدِّرُم
كان النهار دا الصيد ولازم أسمعك

محرز:

رايح لناس

بدران:

... .. أحكي وأنا ماشي معك
وقصدنا نسطاد ونشم الهوا
في وسط غابة بها خليج وقنطرة
حالاً ركبنا الخيل وشدّينا القشاط
وكببرهم له ظهر زي المرتبة
وله قرون كأنها فروع الشجر
ولا بقى له قط في الغابة قرار
أو شيخ على الغُفرا والأ شيخ بلد
زي الجمل في ركبته يشبه أباه

كُنّا جماعة في الخلا رُحنا سوا
وكانت الغزلان كتيرة منتّرة
من بعد ما بتنا صبحنا في نشاط
وكل منا له كلاب موضّبة
لمح غزال عالي شبيهه عجل البقر
طرنا وراه بالخيول وهو من الخوف طار
إلا وبان فلاح كأنه من العُمد
راكب فرس بيضة وابنه من وراه

أصطاد واللي أحصله أدّيه لكم
لو جا عليهم ديب أكلهم لربعة
من غير لزوم خلّاه بعد عنّا كثير
هلبتّ ما عرفته

وقال أنا صياد وبدي زيكم
وكان معه أربع كلاب مضعّعة
خلّا الغزال ساهي وزمّر بالنفير
هميت بكلابي وبحصاني أمان

محرز:

... .. ولا شفته كمان

بدران (يستمر):

لونه كلون الشمس في وقت الأصيل
للباشوات وكمان يورد للركاب
إلا يجيب لي شيء عظيم يسرّني
ما هوش بجير تنقل على ظهره الغزال
وغرّته بيضة وسحنة مسمّسة
إن دُرّت في الدنيا تجيب زيه قليل
بحصان ويزيدني عليه ميتين جنيه
إلا وجا الفلاح زعق من غير لزوم
من زعقة الفلاح أو شيخ العرب
ضرب كمانني بالنفير فقلت ليه
وجت قوام تجري على صوت النفير
وراح دا الفلاح وفاتني بكيدتي

الله عليه يا خيّ أما حصان أصيل
من الخيول اللي يوردهم حجاب
وحجاب دا صالح ما عمره غشّني
حصان إذا شفته تقول عنه غزال
له صدر مع رقبة طويلة مهندمة
أما الكفل عالي وأما الديل طويل
حبّ المدير ذات يوم يقايضني عليه
رمحت به ورا الغزال رمحة هجوم
وكنت قرّبت أحصره لكن هرب
وكان غزال كمان صغير فات عليه
خلا كلابي فانت الكبش الكبير
واتشتّتوا مني وراحت صيدتي

محرز:

إن جا ثقل أسيبه من حيث كان

عملت طيب وأنا لآخر كمان

(ويفوته ويخرج.)

بدران (يقول وهو خارج):

لما تريد تصطاد يوم من دول أجي لا نشوف هناك فلاح ولا نشوف بلطجي

محرز:

روح بس فارقني قوام عذبتني إن كنت ما اصطدتش أدنتا صدتني

القطعة الثالثة

الفصل الأول

(محرز وقابيل)

محرز:

والصد والهجران عني ارتفع ولا يريد غيري لها إلا الوصي لكن عريفة قلبها اتحنن ولان إني أروح في السر بالبيت عندها هيا طبيب العاشقين هيا الدوا يبقى هناك سكران به من غير مُدام من بعد ما أُغَيِّر هنا بدلت هدوم	الحمد لله اجتهادي أهو نفع لكن عليّ ما رأيت واحد عصي وقال لها أبدًا عليّ ما تبان وأرسلت ورقة تقول لي بدها محلا زيارة السر عند أهل الهوى واللي ينادم من يحبه في الظلام والوقت أهوّا جا أنا رايح أقوم
--	--

قابيل:

آجي معك

محرز:

... .. ارجع وخليك يا نجس لا يعرفوني بك وبعدين أنعكس

قابيل:

أَمْشِيْ بِعِيدِ عَنْكَ

محرز:

... .. بِقَوْلِ لَكَ لَا أَنَا
إِوعَى تَفَوْتَ الْبَيْتَ أَهْوَ خَلِيكَ هُنَا
تَذَكُّ تَخَالَفَنِي وَتَعْصِي كَلِمَتِي
عَاوَدَ أَلْتَفَتَ لَكَ يَوْمَ وَأَوْرِيكَ هَمَّتِي

الفصل الثاني

(كرار ومحرز)

كرار:

يَا مَيِّتَ صَبَاحِ الْخَيْرِ عَلَيْكَ يَا سَيِّدَ الْأَمِيرِ
يَا رَيْتَ مَيِّنَ يَدْعُوكَ مِنْهُ تَسْتَجِيبُ
وَإِنْ جِيتَ يَقُولُوا نَامَ وَالَا فِي الْبَلَدِ
وَأَقْعَدَ وَأَسْتَنْتَاكَ وَأَقُولُ لَكَ قِصَّتِي
يَا لِي الْمَلِكُ بِمَعِيَّتِهِ أَخَذَكَ سَمِيرَ
مَا حَدَّ يَعْتَرِفُكَ غَيْرَ صَاحِبِ النَّصِيبِ
فَقُلْتُ آجِي قَبْلَ الصَّلَاةِ وَقْتُ الْأَبَدِ
إِيَّاكَ تَجْبِرُنِي وَتَقْضِي حَاجَتِي

محرز:

إِيْشِ الْطَلَبَ يَا سَيِّدِي قُلْ لِي عَلَيْهِ؟

كرار:

أَرْجُوكَ تَنْظُرَ لِي بِعَيْنِ الْمَرْحَمَةِ
أَنَا شَغَلْتِي بِالْعِلْمِ وَالْكَتَبِ الْكِبَارِ
هُوَ أَنَا بِسْأَلِ عَلَيْكَ أُمَالٍ لِيهِ؟
وَمُطَالَعَتِي بِاللَّيْلِ فِيهِمْ وَالنَّهَارِ
إِنَّكَ جَمِيلُ الطَّبَعِ رَبُّ الْمَكْرَمَةِ
فَلَا تَوَاخِذْنِي عَلَى مَجِيئِي هُنَا

محرز:

العفو بس احكي

كرار:

... .. وأدين جيت لك أنا

ومنزلك عندي يشابه للحرم
ولا وضعتش حاجتي ما بين يديك
يعرفوني بك فأبشر بالنجاح

شفتك أمير عاقل ومن بيت الكرم
لولا الضرورة ما تجاسرتش عليك
وكان من الواجب أوسّط ناس ملاح
لأجل ما تعرف مقامي في العلوم

محرز:

احكي مانيش فاضي أنا بدي أقوم
من يسمعك تحكي قوامك يعرفك

من غير ما تحتاج لواحد يوصفك

كرار:

ولا فراجية تجي عشرين شوال
من ثقلها تبقى رقبتي مايلة
ولا عشايا كل ليلة في فرح

نعم أنا عالم ولا لي أكمام طوال
ولا على راسي عمامة هايلة
ولا أطلع القلعة ولا أمشي مرح

محرز:

طيب ومقصودك؟

كرار:

أقراه منشان تفهمه على كل حال
حيث من زمان لك في المعية تخدمه

... .. معايا عرضحال
ومقصدي إلى الخديو تقدّمه

محرز:

ما تقدمه إنتَ

كرار:

دا كل يوم يقدموا له ناس كتير أخاف يا سي الأمير
يروح بالجملة ويبطل زيهم	وعرضحالي إن دخل في وسطهم
أما أنا أكتب عظيم وأعرف أقول	حيث إن مطلوبهم على غير الأصول
في وقت رايق وكمان تكلمه	والقصد أنك يا أمير تقدمه

محرز:

وإنتَ كمان تقدر تقابله زيَّنه دي مقابلته على الرعيَّة هيَّنة

كرار:

ومحبته في الناس أشهر من علم	أعرف بأن الحلم عنده والكرم
وأنا أشوفه منين أنا راجل فقير	لكن ما بيني وبينه ناس كتير
وناس تشريفات ومن فوقهم رئيس	واقفين على بابہ عساكر ملْبُليس
أبقى أنا أروح فين من دول كلهم؟	والياوران لُخرين ما تنسى فضلهم

محرز:

أورينِ بقى عرضك أنا أقدمه

كرار:

أقراه عليك مرة وإنتَ تفهمه

(ويقرأ):

(معروض عبدكم) كثير الخضوع، كثير الطاعة، كثير الأمنية والصداقة، كثير العلوم والمعارف، أحد الرعية الخادم. لما تأملت في الغلط الفاحش الواقع في جميع الكتابات

التي على أبواب اللوكندات والدكاكين والخمارات وأماكن اللعب، وجميع المحلات التي في مصر المحروسة تحت ولي النعم، رأيتُ أن بعض الجهّال المنشيين الذين يحررون تلك الكتابات، يُحرفونها ويمسخونها المسخ الفاحش الكريه المضر بالإملاء والمعنى والصحة، ولا ينظرون إلى اشتقاق الكلمة ولا استعمالها ولا حقيقتها ولا مجازها مطلقاً. وذلك مُخل بقواعد اللغة وعلم الأدب وجميع الأمة، ويحط بشرف الملة عند الأقارب والأجانب.

محرز:

العرض دا يزعل كثير لكن قول

كرار:

أنا بقول الجد وأتبع الأصول

(ثم يستمر):

ويلتمس مقدمه مع غاية الذل والهوان والخضوع من الأعتاب لمنفعة الحكومة الخديوية، أن ترتب رجال مراقبين وملاحظين ومصححين ومراجعين ومعدلين عمومية لتلك الكتابات، وأن يشرف مقدّمه بالرياسة عليهم نظراً لكثرة علومه وإطلاعه وخدماته التي يؤديها للحكومة السنوية البهية، من تعديل الكتابات المذكورة باللغات: العربية، والفرنساوية، واللاطينية، واليونانية، والعبرية، والسريانية، والكلدانية أفندم.

محرز:

هاته قوام لا بد أن أقدمه وأدخل كمان عنده بنفسه أكلّمه

كرار:

ركك على كونه يشوفه وينظره	يأمر بتنفيذ كل ما فيه أنكره
حيث إن عدله قد شمل كل العباد	لا بد أفوز من بعض خيره بالمراد
وأنت كمان لا بد إنني أمدحك	حتى يمسيك الهنا ويصّبّحك
وأعمل قصيدة فيك من البحر الطويل	اللي مساحتها تجي ستين ميل
قل لي على اسم الكريم وكنيته	لأبلغه من امتداحي مُنيته

محرز:

بكرة أقول لك وإنّ روح بقى

(كرار يخرج.)

محرز:

أما صحيح أكل الخرا له معلقة
إن كانت العلما كدا تبقى حمير دا شيء يخلي العقل من روسنا يطير

الفصل الثالث

(أرمان ومحرز)

أرمان:

الراجل اللي كان هنا وزعلك	كان غاب مدة بحسبه والله هلك
دا مبتذل واصل وعقله فيه خلل	ما ينكش من بيت إلا بالجلل
والناس أمثالك لهم ما ينبغي	أن يسمعوه وينؤلوه ما يبتغي
أما أنا مخصوص جيت لك أخبرك	عن شيء يجيك منه الغنى وأبشرك

محرز (يقول بشويش على جنب):

أدي كمان واحد من الناس الفشوش يريد يغني الغير وهوّا ما معوش

(ثم يعلي صوته):

هو خاتم الملك التقيته يا تره؟ والا كلامك يا ترى عن مقدرة؟

أرمان:

لا هو أنا مجنون أستعمل أمور
كل الأمور الدجل ما تنفع بشي
دي مسألة تحتاج لك ولواسطتك
مش ملتصاميم دول الغير نافعين
قل خمسميت مليون والا أكثر كمان
بس أنت ساعدني وإنّ تغتني
ما لها وجود من نفسها ولا ظهور
أنا أقول الحق منه ما أختشي
توصل لأعتاب الملك بهمتك
اللي من المليون يدوب تجي أربعين
من غير تكليف أو تعب والدار أمان
الله عليك يا حلو لو ساعدتني

محرز:

قل لي على التصميم قوامك بالعجل
باين عليه في ذمتي إنه دجل

أرمان:

لكن دي أسرار اوعى تبوح بها
أحسن يجي غيرنا بلهجة يطبّها
(ثم يلتفت شمال ويمين خوفاً من أحد يستمع للسّر، ويميل على أذن محرز
ويقول السّر، وبعد ذلك يقول):

معلوم أسا كل البحر يا ما تجيب فلوس
من الجمارك والفوايد والمكوس

محرز:

الرأي دا طيب ولازم أعرضه
أحسن معايا شغل بدّي أروح قوام
وإن كان غير دا في الجراب شيء نفضّه

أرمان:

بس أنت ساعدني بشيء مش بالكلام

محرز:

حاضر

أرمان:

... ولو بتنين بنتو اليوم سلف وعُدُّهم مصروف من ضمن الكُفِّ
(يعطيه فلوس فيأخذها ويخرج.)
محرز (وحده):

الحمد لله اللي خدهم وانقلب إياك يكون يا رب دا آخر طلب
أخرج بقى ولا يعطِّلني ثَقِيل يفوَّت الوقت اللي أوعد به الجميل

الفصل الرابع

(سامي وأمين ومحرز وزهران واثنين معه)

سامي (لوحده):

بقى كدا الخاين يريد يجي عندها سرًّا وينظرها ويتهنَّا بها

محرز (لوحده):

على باب عريفة مين واقف يا تره؟ ديمًا الموانع عندها مستحضرة

سامي (لأمين خادمه):

اليوم بلغني بنت أخويا بدَّها في الستر تستخلي بمحرز عندها

زهران (ومن معه):

سامع كلام بينحكي على سيدنا اتكلموا بشويش لا يدروا بنا

سامي:

قبلن يحدّثها وهيّا تحدّثه لا بُدّ روحه تنفصل عن جِثّته
روح يا أمين قُل للجماعة يحضُرْ ويستخبّوا في الحضير ما يظهِرْ
وإن ظهر محرز عليهم يمسكوه وبالنبابيت والدبابيس يهلكوه
ويشوف هنا موعد عريفة ينفعه في السر لما نضحضه ونقطّعه

(يخرج وقتها زهران ومن معه ويقول):

من قبل ما منه مرادك تبلغه لنُدُقْ عضمك يا غبي وندغدغه

(يلحقهم محرز ويقول):

خاس يا رجال عنه دا يحكم عمها ما تقربوه أحسن دا شيء يغمّها
ولو يكون عصّب على موتي الغفر من شان عريفة كل ذنبه انغفر

(ويسحب السيف على الغفرا ويطردهم).

سامي:

دا مين دا اللي جا على يده النجاة؟ لا بُدّ له منصب حدا الميري وجاه
عمل معي بفعلته أعظم جميل

محرز:

دا أمر واجب اللي عملته يا جليل

سامي:

دا صوت محرز يا ترى هوّا صحيح؟ قُل لي على اسمك لجل قلبي يستريح

محرز:

أنا خادمك محرز ومن شانك أتيت نويت خلاصك وأنت لهلاكي نويت

سامي:

أنوي على موتك وأنت لي تجير؟ يا سيدي أما حقيق إنك أمير
قلبي عليك بعد الغضب أهو رضي واللي طلبته يا حبيبي ينقضي
كراحتي فيك يا أمير حكمت خطأ أستاهل التعذير وضربي بالوطا
وهو من الليلة حبيبك تنظره وتجتمع به إياك ذنبي تغفره

الفصل الخامس

(عريفة وسامي ومحرز)

عريفة (تخرج بالشمعة):

هُوّا خبر إيه أنا سامعة دبّبة وصوت سلاح هنا وسامعة كركبة

سامي:

الكركبة داللي عليها بتسألني ومن السرير علشانها بتنزلي
محرز أهوّا الأصل فيها والسبب رضيت يكون جوزك وينعقد النسب
حكم خلاص روعي على يده هنا من كبشة الإجمام أولاد الزنا

عريفة:

وأنا قبلته حيث إنه أنجذك ومن الهلاك نجّاك لنا وأوجدك

محرز:

يا ناس أنا مدهوش من كتر الفرح والهم زال عني وقلبي انشرح

سامي:

نعلن بقى الأفراح على كتب الكتاب حيث الزمان مما جناه اليوم تاب

محرز (يسمع خبط على الباب ويقول):

مين اللي بيخبط على الباب يا تره؟

خادم محرز:

دول ناس من اللي يلعبوا علقنطرة

ويرقصوا ويلعبوا ويتمسخوا

وفيهم اللي يطبلوا ويزمروا

محرز:

بواب اطردهم ورُد الباب قوام
في مجلس الثقلا تعرض للضرر

هوا احنا ما شعبناش من الثقلا كلام؟
وجعلت دي تنبيه ليعلم من حضر

